



kat.komp.

39178

Mag. St. Dr

Quaestio de visione Dei.

Test. 2916

C

I

Q V Æ S T I O

D E

VISIONE DEI,

In Alma Academia Cracouienfi

Præsidente

Adm. Rñdo Domino

I A C O B O V S T I E N S E,

S. Th. & I. V. Doctore, Præposito S. Floriani

& SS. Omnium, Facultatis Theologi-
cæ Decano

A


M. PAVLO HERCIO S. Th. Professore,
Decano Opatouien. Canonico S. Floriani
publicè ad disputandum

P R O P O S I T A.


In Lectorio DD. Theologorum.

C R A C O V I Æ,

In Officina Typographica Francisci Cesarij, Anno D. 1647.



Quicquid veniens ex eo quod fuit, non cessat tendere in id quod erit, transitum sanè habet per est, sed omninò non est. Nam quomodo est quod nunquam in eodem statu permanet? Solum proinde verè est, quod nec à fuit præciditur, nec ab erit expungitur, sed solum atq; inexpugnabile remanet ei est, & manet quod est. Nec fuit tollit illi esse ab æterno, nec erit esse in æternum: ac per hoc sibi vindicat, verum esse, id est increabile, interminabile, inuariabile. Cum igitur ipse qui sic est, imò qui non sic aut sic est, videtur sicuti est, stat illa visio, quia nulla eam interpolat vicissitudo. Nam & quod apparet ut inuariabile in se est, ita inuariabiliter intuentibus præsto est: & quibus apparet nil videre desiderabilius volunt, nil possunt delectabilius. Quando ergo illa vel fastidiet auiditas, vel subtrahet suauitas, vel fraudabit veritas, vel deficiet æternitas? Quod si in æternum extenditur dendi copia pariter & voluntas, quomodo non plena felicitas? Bern: super Cantica Serm: 31.



39178 I

QVÆSTIO

DE

VISIONE DEI.

V. DEVS à nobis quidem viatoribus lumine naturali quatenus est prima causa, & lumine reuelationis, vt est creator, redemptor, & glorificator, abstractiuè apprehendatur: à Beatis verò in patria lumine gloriæ perfusis intuitiuè ita cognoscatur, vt in illius essentia licèt non omnia quæ Deus facit & facere potest, multa tamen ex decreto Diuinæ voluntatis, & præsertim ea quæ ad proprium cuiusque Beati statum spectant, videantur, necne?

CONCLUSIO I.

Deus est prima causa omnium productiua.

COROLLARIA.

- 1 Datur in Deo actiua potentia que quidem idem est quod substantia & actio Dei.
- 2 Esse creaturarum est proprius effectus prima & vniuersalissima causa.
- 3 Vnum tantummodo ens necessarium est, cetera vero extra ipsum possunt non esse.
- 4 Deus prehabet in se perfectiones omnium creaturarum, estq; simpliciter & vniuersaliter perfectus.
- 5 Essentia Dei est expressissima similitudo rerum & viuum exemplar, quod omnes creature pro modulo suo imitantur, & à quo participant quicquid sunt, & quicquid habent.
- 6 Causa ut entitatis ita & distinctionis rerum prima est intentio Dei creaturis perfectiones diuersas conferre volentis.
- 7 Non solum id quod est actus, sed & id quod est potentia ad actum creatur à Deo, sed creatur ut coniuncta actui, non ut in se actus.

CON-

CONCLUSIO II.

DEVS à nobis viatoribus abstractiuè cognoscitur, lumine quidem naturali vt est prima causa, lumine verò reuelationis, vt est creator, redemptor, & glorificator.

COROLLARIA.

- 1 *Proprietates diuinae non cognoscuntur à nobis viatoribus prout sunt in Deo, sed prout resplendent in creaturis.*
- 2 *Species creata essentiam diuinam representat secundario, deficienter, diminutè, & secundum conuenientiam analogam, quam habet Deus cum tali creatura.*
- 3 *Quamuis nostra ratio pertingere naturaliter non possit ad primum ens vt de ipso sciat quid sit, potest tamen de eo cognoscere an sit.*
- 4 *Esse in Deo est per essentiam in alijs verò per participationem.*
- 5 *Intellectus naturalis ordinis quantumcunq; crescat in infinitum, nunquam tamen perfectionem intellectus lumine glorie perfusi adquare potest.*
- 6 *Multò plura & clariùs cognoscuntur à nobis in hac vita per gratiam quàm per naturalem rationem.*

7 *Desiderium videndi Deum ex visione effectuum ipsius naturalium exortum inefficax est & conditionatum.*

CONCLUSIO III.

Visio Dei beatifica non solum est intellectui creato possibilis, sed etiam de facto beati intuitiue Deum vident.

COROLLARIA.

- 1 *Intellectus creatus ad beatificam visionem merè passivè se non habet.*
- 2 *Potest homo peruenire ad finem supernaturalem per auxilium Dei, non ut author est natura, sed ut author est gratia.*
- 3 *Supremus & perfectissimus modus nempe intellectualitè coniungendi se cum suo principio nempe Deo intellectui non creato non repugnat.*
- 4 *Quamvis Deus & creatura convenire non possint in una ratione formali Quæ iisdem intrinseca; bene tamen in una ratione formali sub qua convenire possunt.*
- 5 *Intellectus creatus lumine fidei excitatus & adiutus visionem Dei per essentiam esse possibilem cognoscere, & demonstratione Theologica ostendere potest.*
- 6 *Quam-*

- 6 *Quamuis Deus infinitus sit, non obstante tamen hac infinitate uniri potest intellectui creato finito modo.*
- 7 *Quamdiu creatus intellectus solum cognoscit Deum ex effectibus & non immediate in seipso, semper ei deest aliqua perfectio in cognitione talis obiecti, & sic desiderium eius cognoscendi essentiam diuinam hoc modo non expletur.*

CONCLUSIO IV.

Deus à Beatis videtur per lumen gloriæ quod ex parte sua complet, eleuat, & confortat potentiam in ordine ad claram Dei visionem.

COROLLARIA.

- 1 *Ad videndum Deum ut est in se, non sufficiunt auxilia quantumuis specialia & gratuita ordinis naturalis, sed requiruntur vires gratuite ordinis supernaturalis.*
- 2 *Intellectus creatus lumine gloriæ perfusus ordinis diuini efficitur, potestq; inter ipsum & diuinam essentiam velut obiectum intelligibile esse proportio.*
- 3 *Per nullam similitudinem creatam, que se teneat ex parte obiecti essentia Dei videri potest.*

4 *Essen-*

- 4 *Essentia diuina vt videatur, requirit sui ordinis dispositionem ex parte videntis.*
- 5 *Lumen gloriæ pertingere potest ad actionem superioris ordinis, ad quam essentia Angeli non potest pertingere.*
- 6 *Non potest dari creatus intellectus supernaturalis qui per modum potentie simplicis & totalis tendat in Deum vt in se est, ac proinde eliciat actum supernaturalem visionis.*
- 7 *Dum videtur à beatis Deus vt est in se, ex vi beatificæ visionis videntur attributa, & relationes, similiter visa vna persona videntur & alie.*

CONCLUSIO V.

Beati in patria inæqualiter Deum vident.

COROLLARIA.

- 1 *Quemadmodum Deus cum in futura vita peccata punit seruat rationem iustitiæ, ita vt maioribus peccatis maiores infligat penas, ita dum beatificam visionem tribuit per modum coronæ, seruat rationem iustitiæ.*
- 2 *Lumen gloriæ cum quedam qualitas habitualis sit, habet gradus intensiōis & remissionis.*

3 Per

- 3 Per denarium diurnum laborantibus in vinea datum, intelligitur beatitudo obiectiua non formalis.
- 4 Quamuis lumen glorie vt & visio beatifica in infinitum crescere possit in intensiōe, non tamen in perfectione specifica.
- 5 Horum que Deus facit, & facere potest, tantò aliquis intellectus plura cognoscit, quantò perfectius Deum videt.
- 6 Essentia diuina in ratione speciei considerata quamuis intellectui creato vniatur tota, non tamen totaliter.
- 7 Nulli intellectui creato potest se vnire diuina essentia prout est omnium creaturarum representatiua, propter limitationem intellectus creati, & propter limitationem luminis glorie.

CONCLUSIO VI.

Beati videntes DEVM vt in se est, ex vi beatificæ visionis non omnia in eo vident.

COROLLARIA.

- 1 Diuina essentia comprehendendi non potest ab intellectu creato simpliciter, etiam prout est causa alicuius effectus in particulari.

B

2 Diuina

- 2 *Diuina essentia non est necessario representatiua sui ipsius prout est omnium creaturarum idea.*
- 3 *Quod iste aut illa creature intellectui creato represententur, prouenit ex diuina voluntate, qua Deus intellectui creato essentiam suam unire vult prout est representatiua Et idea creaturarum harum non illarum.*
- 4 *Actualia attributa Dei que actualem respectum ad creaturas important, non est necesse ut cognoscantur visa diuina essentia.*
- 5 *Soli intellectui diuino essentia diuina naturaliter ex aequo creaturas omnes representat.*
- 6 *Effectus futuri aut non futuri quoad suam futuritionem vel non futuritionem cum diuina essentia connexionem non habent, nisi ratione decretorum diuine voluntatis.*
- 7 *Anima quoque Christi essentiam diuinam non comprehendit.*


CONCLUSIO VII.

Quæcunque ad statum cuiusque beati spectant, ea in diuina essentia ab illo videntur.

COROL-

COROLLARIA.

- 1 *Essentia diuina intellectui beati creaturas tanquam speculum voluntarium representat.*
- 2 *In beatifica visione dùm beatus ea quæ ad statum suum spectant videt, omnis eius expletur appetitus.*
- 3 *Angeli beati non cognoscunt plene omnes cogitationes Dei, neq̃ mysteria omnia quæ pendent ex libera dispositione diuine voluntatis.*
- 4 *Beatus videre potest & de facto videt etiam cogitationes cordis, quæ peculiari ratione ad eum diriguntur.*
- 5 *Quod Angeli ad custodiam & gubernationem huius vel illius prouinciæ deputentur, hoc illis conuenit non ut beati sunt, sed ut ministri sunt.*
- 6 *Mysteria fidei quæ per fidem in via cognoscimus beati in diuina essentia intuentur.*
- 7 *Moyse in hac adhuc vita reuelata fuerunt aliqua gratiæ mysteria iuxta dispositionem diuinæ voluntatis.*





Sub felicibus auspiciis

Admodum Reuerendi & Magnifici Domini.

D. IACOBI VITELLII

S. Th. Doctoris & Professoris,

Decani S. Floriani,

Almæ Academiæ Cracouiensis

VIGILANTISSIMI

RECTORIS.



XXIV. 5. 32



Biblioteka Jagiellońska

stdr0009016

I

32

